




სტუდენტური ფურცელი



„პოლიტიკური განათლების სკოლა“ – სტუდენტების მეორე უმაღლესი წარმატებული პროექტი



უმადლეი სასწავლებელი სტუდენტებს განვითარებისა და შესაძლებლობების გამოვლენის შანსს უნდა აძლევდეს. პრაქტიკული და თეორიული ცოდნის კომბინირებით, ახალგაზრდებს უნდა შეეძლოს საზოგადოებაში თავის დამკვიდრება და ღირსეულ მოქალაქედ ჩამოყალიბება. თუმცა, აქვე უნდა აღინიშნოს ისიც, რომ ეს პროცესი აუცილებლად ორმხრივი უნდა იყოს – სტუდენტების ჩართულობაც ისეთივე მნიშვნელოვანია, როგორც უნივერსიტეტიდან წამოსული ინიციატივების სხვადასხვა აქტივობის განხორციელების შესახებ. უმაღლეს სასწავლებელში მიღებულ ცოდნასა და რესურსებს, შესაძლოა, მრავალგვარი დანიშნულება მოუძებნოდეს სწორედ ამ უკანასკნელზე მინდა გესაუბროთ, კერძოდ,

როგორ გამოიყენეს თბილისის სახელმწიფო უნივერსიტეტის პოლიტიკური მეცნიერების სტუდენტებმა ის ცოდნა და გამოცდილება, რომელიც წლების განმავლობაში დაგროვეს?

„პოლიტიკური განათლების სკოლა“ – ასე ჰქვია პროექტს, რომელიც თბილისის სახელმწიფო უნივერსიტეტის სტუდენტური პროექტების კონკურსში გამარჯვების შედეგად დაფინანსდა. მისი შექმნის მთავარი მიზანი დამამთავრებელი საფეხურის სკოლის მოსწავლეებისთვის პოლიტიკურ განათლებასთან დაკავშირებული ცოდნის ამაღლება იყო. პროექტის დაწყებიდან დაახლოებით 10 თვის შემდეგ „პოლიტიკური განათლების სკოლამ“ მოსწავლეების მესამე ნაკადი მიიღო, მსურველთა რაოდენობა კი უფრო და უფრო მეტად მატულობს.

პროექტის ერთ-ერთი ორგანიზატორი, პაატა ახალკაცი, უფრო დანერგვით გვიამბობს თუ როგორ დაინიშნა ამ პროექტზე მუშაობა და რა მიზანს ემსახურებიან ისინი:

„პროექტი თბილისის სახელმწიფო უნივერსიტეტის ექვსმა სტუდენტმა შექმნით, თითოეულმა ჩვენგანმა განსაზღვრეთ გარკვეული მისია და როლები

გადავინაწილეთ. პროექტის ერთიანობა სწორედ ამ როლურმა მუშაობამ შეკრა. მიზნად დავისახეთ დამამთავრებელი სკოლის მოსწავლეებისთვის აგვემადლებინა პოლიტიკურ განათლებასთან დაკავშირებული გარკვეული ცოდნა, მიგვეცა ის ინფორმაცია და კულტურული კაპიტალი, რომელიც ჩვენ დავაგროვეთ ამ ხნის განმავლობაში“, – ამბობს პაატა ახალკაცი,



თბილისის სახელმწიფო უნივერსიტეტის მეოთხე კურსის სტუდენტი.

ხაზგასასმელია ის ფაქტი, რომ პროექტის ფარგლებში, სტუდენტები, თეორიულ სწავლებასთან ერთად, ეყრდნობიან პრაქტიკულ სამუშაოებსაც, ცდილობენ, მათი თითოეული შეხვედრა იყოს განსხვავებული და პროდუქტიული.

შეხვედრები ინტერაქციული ხასია-

თისაა და მონაწილეების მაქსიმალური ჩართულობით ხორციელდება. გარდა სტუდენტებისა, შეხვედრებს ატარებენ მონვეული სპიკერები, რომლებიც ძირითად შემთხვევაში, თბილისის სახელმწიფო უნივერსიტეტის ლექტორები არიან. „თუ პროექტის მიმდინარეობის პროცესში მონაწილეებს ვუკითხავთ, პირობითად, 15 თემას პოლიტიკის შესახებ, თერთმეტ ან

თორმეტ თემაზე უშუალოდ სტუდენტები ვმუშაობთ, ხოლო 3 ან 4 ლექციას მონვეული ლექტორები კითხულობენ. მათი მეშვეობით ვცდილობთ, რომ შეხვედრები მრავალფეროვანი და საინტერესო გამოვიდეს“, – ამბობს პაატა.

პროექტის ფარგლებში, სტუდენტები მონაწილეებთან ერთად იმყოფებოდნენ ისეთ საჯარო უწყებებში, როგორებიცაა

საქართველოს უზენაესი სასამართლო, პრეზიდენტის ადმინისტრაცია და სხვ. მათი მიზანია, თეორიულ ცოდნასთან ერთად, ახალგაზრდებმა თვითონ ნახონ და გაიგონ იმ საჯარო სტრუქტურების შესახებ, რომელთა მეშვეობითაც ფუნქციონირებს პოლიტიკური (და არა მარტო) პროცესები ქვეყანაში.

„თავდაპირველად, მსურველთა რაოდენობა დაბალი იყო, მაგრამ პირველი ნაკადის დასრულების შემდეგ, გაცილებით მეტმა ადამიანმა გაიგო აღნიშნული პროექტის შესახებ და მსურველთა რაოდენობამაც მოიმატა. ამაში თბილისის სახელმწიფო უნივერსიტეტის მიერ შექმნილი „საბავშვო უნივერსიტეტმაც“ შეგვიწყობდა, მათ საკუთარ გვერდზე განათავსეს ინფორმაცია და ამით გაცილებით მეტმა მოსწავლემ გაიგო ჩვენ შესახებ. მესამე ნაკადის დაწყებისას, 100-ზე მეტი მსურველიდან, გვემით განსაზღვრული 30 ადამიანის შერჩევა საკმაოდ შრომატევადი საქმე იყო, მაგრამ ამავედროულად გვახარებს ის ფაქტი, რომ ჩვენგან ნასული მონაწილეები თავიანთ თანატოლებს ესაუბრებიან „პოლიტიკური განათლების სკოლაზე“ და რეკომენდაციას უწევენ პროექტში მონაწილეობაზე. ამასთან, უფრო მეტ ახალგაზრდას უჩნდება სურვილი, მიიღოს მოცემულ საკითხთან დაკავშირებით ცოდნა და გამოცდილება“, – ამბობს პაატა ახალკაცი.

რაც შეეხება მომავლის გეგმებს, უნივერსიტეტის დასრულების შემდგომ, მათ სურთ ორგანიზაციად ჩამოყალიბდნენ და გააგრძელონ დაწყებული საქმე, რომელიც ახალგაზრდების ცოდნის გაზრდას და პოლიტიკური კულტურის განვითარებაში საკუთარი წვლილის შეტანას ემსახურება...

მარიამ გამზარდია,
თსუ სოციალურ და პოლიტიკურ მეცნიერებათა ფაკულტეტის უფროსი ასისტენტი და მასობრივი კომუნიკაციის მიმართულების სტუდენტი





სტუდენტური ფურცელი



სტუდენტური ზეიმი მე-3 კორპუსის უბოში

თსუ-ს ფსიქოლოგიისა და განათლების მეცნიერებათა ფაკულტეტის სტუდენტური თვითმმართველობის კულტურის დეპარტამენტის ორგანიზებით, მე-3 კორპუსის უბოში ფაკულტეტის პირველკურსელთა საპატივცემულოდ წვეულება მოეწყო, რომელსაც თსუ-ს სტუდენტები, მოწვეული სტუმრები და პროფესორ-მასწავლებლები ესწრებოდნენ. წვეულების ორგანიზატორებმა ემო გირლიანდებით გაანათეს და ხელნაკეთი დეკორაციებით მორთეს. ისინი პირველკურსელებს გემრიელი ტკბილეულითაც გაუმასპინძლდნენ. საღამოს მუსიკალურად აფორმებდა ორი ბენდი: „რაც არის“ და „key of soul“.

„ივენტის“ მიზანი პირველკურსელებისთვის სასიამოვნო გარემოს შექმნა იყო. ისინი თავიდან უცხოდ გრძნობენ თავს უნივერსიტეტის სივრცეში და ეს ლამაზი საღამო მათი მეტი გახსნილობისთვის და ახალი მეგობრების შექმნისთვის მოვანყვეთ, რაშიც ფაკულტეტის ადმინისტრაციაც დაგვეხმარა და გვერდში ამოგვიდგა. იმედია, ეს საღამო სასიამოვნო და დაუვიწყარი გახდება ბევრი სტუდენტისთვის“, – აღნიშნა წვეულების ერთ-ერთმა ორგანიზატორმა ანა გვიშინაძე.

პირველკურსელებს მიესალმა და სასიამოვნო საღამოს გატარება უსურვა თსუ-ს ფსიქოლოგიისა და განათლების მეცნიერებათა ფაკულტეტის დეკანმა, პროფესორმა თამარ გაგოშიძემ. „ეს საღამო პირველკურსელების საპატივცემულოდ მოეწყო. კეთილი იყოს თქვენი მობრძანება ჩვენს ფაკულტეტზე, წარმატებებს და სასიამოვნო სტუდენტობას გისურვებთ! თქვენ უნდა იპოვოთ საკუთარ თავში რესურსი და საზრისი იმაში, რასაც აკეთებთ.“

ყველას გისურვებთ სიამოვნების მიღებას სწავლის პროცესისგან, შემეცნებისგან. აქ უნდა ვისწავლოთ ერთმანეთზე ზრუნვა. მინდა, რომ ეს ზეიმი მთელი ცხოვრება სასიამოვნო მოგონებად გავყვეთ“, – ასე მიმართა წვეულების მონაწილეებს თამარ გაგოშიძემ და წინსვლა და ბედნიერება უსურვა მათ.

„ეს ზეიმი ჩვენ, პირველკურსელებს, ერთმანეთის გაცნობასა და დაახლოებაში გვეხმარება და ასეთი ღონისძიებები რაც უფრო მეტი მოეწყობა, მით უფრო კარგი იქნება“, – აღნიშნა პირველკურსელმა ანი ჭავჭავაძემ, რომელსაც მომავალი ფსიქოლოგი კესო შალამბერიძეც დაეთანხმა და თქვა: „ზეიმი ახალ გარემოსთან ადაპტირების საშუალებას გვაძლევს. პირველკურსელი ვარ და ეს საღამო თანაკურსელებთან დაახლოების შანსია, რადგან უფრო თავისუფალ და მხიარულ გარემოში ვართ. ერთმანეთი გვიხარია და გვიყვარს!“ პირველკურსელი გიორგი ღლონტი თვლის, რომ ასეთი წვეულება სტუდენტთა სოციალიზაციისათვის კარგია. „კომპიუტერი განწყობა და კარგი მუსიკა ერთმანეთთან უფრო გვაახლოებს, ახალი მეგობრების გაჩენის შანსს გვაძლევს.“ ნიკოლოზ ხახიაური კი ახალი მეგობრების გაჩენისთვის და თანაკურსელებთან მეტად დაახლოებისთვის მზადაა, რადგან, როგორც თვითონ ამბობს, სასწავლო სივრცე ამის საშუალებას ნაკლებად აძლევს, ამიტომ ასეთი ზეიმების მოწყობა მისთვის მნიშვნელოვანია.

წვეულების მოწყობაში ფაკულტეტის სტუდენტური თვითმმართველობის კულტურის დეპარტამენტს დაეხმარნენ კომპანიები: „შალოს მარანი“, „ძმების მარანი“, „Caramel-tbilisi“, „Event hug“, „Neon gallery“, „Dessert room“ და სხვები.

